

I han es Zündhölzli azündt

Originallied: Mani Matter Textversion: Thomas Gutmann

Das Lied kann auf www.friedensdorf.ch
angehört werden in einer Version
der Klezmerband Jules de Bern.

4/4

|C_____||G7_____||Am_____||E_____||
|F_____||C_____||G7_____||C_____||

I han es Zündhölzli azündt
und es hät e Flamme geeh
und die Flamme hät mer dänn
hell im dunkle lüchte gseeh
und ich han das chline Liecht
mine Fründe wiitergeeh
und bald hätt mers bi
villne Mänsche lüüchte gseeh.

Und d'Lüüt würdet umespringe
iri Angscht, wär plötzlich furt
ihres Härz wär voller Liecht
und si wärid ohni Wuet
iri Auge würdet lüüchte
am Tag und i dä Nacht
wil sones Zämeläbe si jetzt
glücklich macht.

Ja wär weiss was chan passiere
wänn sich d'Mänsche zäme tüend
für ä Gsellschaft ohni Gwalt
wo nöd alli kämpfe müend
und statt ständig müesse rächt haa
enand vertrauet nadisna
und für d' Zuekunft vo dä
Ärde zämmestaa.

Sogar d'Nato würdis schnalle
au d'Nato-Gägner gsächtets ii
dass Konflikte ohni Gwalt
doch vil besser z'löse sii
vo Grönland uf Borneo
uf em ganze Ärderund
würd's Fridä gää und
d'Mänschheit würdi wider gsund.

S'chönnt äs Fäscht gää im Quartier
und es würdet alli choo
und statt ständig numme z'liire
würded alli zäme fiire
alli würded zäme tanze
schwarz und wiiss und gross und chlii
di ganzi Stadt es Fäscht äs chönnt
nöd schöner sii.

I han es Zündhölzli azündt
und es hät e Flamme gäh
und die Flamme hätt mer dänn
wiit übers Friedensdorf us gseeh
und alli Lüt würdet aagschteckt
dur das Lüchte i dä Nacht
äs Glück dass ich der erschti Schritt
ha gmacht!

